

Francesco Satta

ARCU 'E CHELU

*Premio "Cesira Carboni Aru" (Nuorese)*

Nostra Signora bella,  
 mama divina, luche soberana,  
 nárami cale istella  
 deppo sichire in custa bida arcana.  
 Beni e dami su coro,  
 mama divina, lizu, prenda 'e oro.

Tue ch'ischis sas penas,  
 sos disingannos, tottu sos anneos,  
 seca custas cadenas  
 chi rucran tottu sos disizos meos.  
 Dami fortza e recreu  
 pro chi torret sa pache in coro meu.

In sos sonnos coffusos  
 mi si presentan pojos e traghinos;  
 focos e archibusos,  
 tazos cabaddos jubos porporinos;  
 prantos attittos rias,  
 serpentes belenosos, chentu istrias.

Non cherjo, ma comente?  
 Comente faco, o Deus, Deus meu?!  
 Sa zente est prepotente,  
 m'intzídiat a cad'ora a cada impreu;  
 m'ingrisat su caminu,  
 m'abbelenat su samben in su sinu.

E tue, o arcu 'e chelu,  
 pro chi' essis chin tanta bramosia?  
 Unu fozu 'e banzelu

mi nat chi ses s'ispricu 'e s'armonia.  
 Credo in sa bonidade,  
 in sa bera ricchesa 'e s'onestade.

M'abbandonno a sa pache,  
 a sa fide, a sa frama 'e sas ideas  
 chi sun in su nurache  
 de sas bertudes, fora 'e sas peleas;  
 cumbintu in tantu ardore  
 chi sa bida, sa bida est tottu amore.

### ARCO CELESTE

Nostra Signora bella, mamma divina, luce sovrana, dimmi quale stella debbo seguire in questa vita arcana. Vieni e dammi il tuo cuore, mamma divina, giglio, pegno prezioso.

Tu che conosci le mie pene, le mie delusioni, le mie angosce, spezza queste catene che infrangono tutti i miei desideri. Dammi la forza e la tranquillità affinché nel mio cuore torni la pace.

Nei sogni confusi vedo tonfani e torrenti, fuochi e fucili, greggi cavalli buoi porporini; pianti, canti di prefiche, serpenti velenosi, cento barbagianni.

Non voglio, ma come? Come faccio, o Dio, Dio mio? La gente è dispotica, mi incita sempre a commettere ogni sorta di soprusi, mi oscura la strada, mi avvelena il sangue nel cuore.

E tu, o arco celeste, per chi appari con tanta sollecitudine? Una pagina del vangelo mi dice che sei lo specchio dell'armonia. Credo nel sommo bene e nella vera ricchezza dell'onestà.

M'abbandonno alla pace, alla fede, alla fiamma delle idee che sono nella rocca delle virtù, lontano dagli affanni, convinto in tanta brama, che la vita, la vita è tutto amore.